

洪氏集驗方

洪氏集驗方目錄

一卷 治痢萊連丸

肉豆蔻散

祛瘡散

大交感丹

混元胎丹

還少丹

瓊玉膏

一粒金丹

神妙六逸丸

鐵甕交感丹

降氣湯

牙藥

二卷 化毒排膿內補散 癰疽靈方

治諸般瘡毒

靈寶膏

治癰疽發背方 發背灸法

又發背灸法 治背疽搽藥

內消發背 治甲疽努肉

治癰疽經驗方 治癰疽奪命膏

又勝冰散 又應補內托圓

又聖柳散 治癰疽立効方

^{三卷} 從蓉茸附圓 鹿茸世寶圓

五解散 治疔育腸圓

硫附鹽礬圓 治腸風下血

比金散

治腸風痔疾

阿魏良薑圓

麋茸圓

人參大溫中圓

水陸二仙丹

神應乳香圓

神妙驅風散

虛風圓

四斤圓

妙應圓

丁香草菓散

神仙透空圓

沉香華澄茄湯

灸結胷傷寒

治風烏荊圓

烏金散

良薑湯

治氣塊刺痛

常服散子

治胎衣不下

安腎圓

治傷折神授散

普救散

治喉口熱毒

肉豆蔻湯

四卷

治舌衄

治舌腫

治湯火傷

茯苓圓

治乾癬

治淋

治沙石淋

治毒蛇傷

治冷積降氣

秘精圓

治傷折骨碎

治疝氣偏墜

治痔為金散

治腸風倍苓圓

治風毒氣眼

治腰痛

治虛勞秋石丹

治諸癰

治豆瘡倒癰

治喉閉 二方

治腰痛

治腸風

瘡藥方

治癰

接骨方

治漏瘡

治外風入瘡口

癰藥

治喉關

治盜汗

治傷風

治脚腫

治脚腫甘豆湯

灸勞法

治頭風頭痛

茶牙湯

治偏正
頭疼

治腰痛附牛圓

治爛緣風眼

治膝瘡

治癰疥

治脚氣灸法

治蛇毒

治鼻衄

治諸鯁

治盜汗

治暑龍鱗散

治風牙疼

治蛀牙疼

治風牙蛀牙疼

治五種牙疼

治風蛀牙破者

治牙槌牙宣

治暴嗽不止

治惡瘡久不較

治冷漏

治喉閉

治咽喉腫痛

治凍死

治喝死

治溺死

治火燒湯潑

治湯火瘡

治嵌甲

治小腸氣

五卷

治產後百病

催生如聖散

萬靈圓

烏金散

救生散

治姙娠下血腰痛

治產後顛狂

催生藥

治滑胎易產

產後羊肉湯

產後防暈方

產後大便不通

順經散

九寶飲

治小兒泄瀉

金液丹

青州白丸子

肥兒圓

神麴豆蔻圓

木香分氣圓

助胃膏

治麻豆瘡膿水

辰砂安驚圓

羌活膏

大天南星圓

治臍風撮口法

沒石子圓

誤吞珠銅鐵方

誤吞錢方

誤吞釘箭等物

封額

治吐

誤食穀芒

治口瘡消風散

治腫雄朱散

治瘡瘍金華散

治頭瘡如聖散

治喉閉急風散

墜涎圓

辰砂圓

四君子圓

肥兒圓

觀音散

洪氏集驗方目錄

洪氏集驗方卷第一

治痢

先忠宣獲此方屢有神驗

茱萸丸

黃連吳茱萸各二兩如常法揀洗焙乾黃連剉令寸斷同一處炒俟香熟分為二各用醋糊為丸如桐子大

若小兒則悉如茱萸大

赤痢則服黃連白痢則服茱萸赤白則并服之赤先白後則先黃連而後茱萸赤多白少則二分黃連一分茱萸反是亦如之每服五七十粒至百粒服之

愈為度陳米飲下

大補茶黃治白黃連治赤也黃連用鷹爪者

肉豆蔻散治赤白痢無藥可治者其効如

神上吐下痢者亦治

已下三方韓子溫少卿傳

肉豆蔻

切片子炒黃色

櫻栗殼

搗碎用蜜拌勻炒黑黃

甘草

切碎炒黃黑色

乾生薑

切細炒黃黑

右等分搗羅為末每服六錢如赤痢多

加甘草一寸炙黃同煎若白痢多加炒

生薑一塊同煎用水二大盞煎至一盞

半通口服不計時候却將兩服滓再煎

服無不愈者

祛瘧散熱多寒少者一服無不驗

平家每合以濟人

服即愈

外聖秘傳出此方專治瘧疾不瘥用水煎以

內末

治時行寒熱諸藥不効者今有夢中神傳藥方如有此疾者依方服之即愈如所感深重一服未愈者定毒發一次更不再來

好高良薑

剉碎微炒

好川白薑

炮剉

二味各碾為極細末

右各秤等分勿令偏些再入乳鉢內一處研勻細羅過二味病大者共抄三大錢病小者共三小錢於當發日日未出時以獾猪膽二枚勿用白色者割開取汁與藥調勻再用熱酒少許打勻通口猛作口嚥更以酒少許送下急嗽口以甜物壓之一日不得喫別藥忌大寒物

其膽須是獾猪膽其翁母猪膽不中江南謂之鍛猪

大交泰丹

傷寒未分陰陽不可服

治陰陽二毒傷寒或因下早亡陽或致
結伏胃膈四肢厥冷脉息俱無心燥如
火或因冷物傷脾夾臍疼痛生硬入胃
中滿痞塞潮發寒熱并治翻胃噦逆霍
亂吐痢小腸疝癖脇肋氣痛但是陰陽
不順惡候傷寒壞證並皆治之每服一
粒炭火內煨通赤良久取出放冷細研
如粉米飲一盞煎七分溫服不拘時候
隔半時辰再進一服其効如神兼治小

兒瘡疹倒厭依法服半粒立愈

金星石

大陰玄精石

銀星石

雲母石

白色片子

代赭石

桂府滑石

禹餘石

已上各一兩

寒水石

吉州者一兩半

不灰木一兩

色青黑性軟者

右件丸味入磁瓶子炭半秤煨候火耗

一半取出放冷研為細末糯米粥為圓

如彈字天候乾用

係醫壞證傷寒一服可活一人

混元胎丹乃陰陽始生之物氣精血初生
之英華蓋合元宮真氣所化修真之士服
餌補漏壯氣固神益髓通神明延壽命增
益道涯超羣圍外內丹之基具服餌方如
後

久無嗣息者服此有驗

以首兒衣

二八月者不用收時連帶中元血收

用長流水淨洗控乾入甕瓶中下無灰

法酒三大勝腦子麝香

隨力下之多止一錢或半字

以紙

封瓶口下用文武火煨候酒將盡取出

再入酒三勝依前煨却用竹篦或金銀
篦不住攪以覺爛糜似粥模樣待冷取
入砂盆內細研如粉別入外料

人參

二兩

茯苓

二兩

乳香

半兩

朱砂

半兩水飛過浪乾取淨

山藥

四兩

已上並爲細末人參等須擇佳者

右用上件藥末入於所煮藥內如乾時
更用元煨酒旋旋添拌勻一處攪搜爲
元梧桐子大慢火焙乾每日空心五十

粒加至一百粒用溫酒鹽湯下良久用
甜淡飲食飽壓逐日葷味中減少五味
謂甜淡鹹等物服至五七日微覺小腹連腰沉
重不須疑慮乃是藥力攻元氣相補助
如此

西川羅赤脚仙還少丹大補心腎脾胃一
切虛損神志俱耗筋力頓衰腰脚沉重肢
體倦怠血氣羸乏小便昏濁

陳晦叔敷文傳

乾山藥

牛膝

酒浸一宿焙乾各一兩半

山茱萸

白茯苓

去皮

五味子

肉蓯蓉

酒浸一宿焙乾

石菖蒲

巴戟

志

遠志

志

杜仲

去麋皮用生薑汁洗酒合和塗炙令熟

楮實

舶上茴香

已上各一兩

苟杞子

熟乾地黄

各半兩

右搗羅為末煉蜜入棗肉為圓如梧桐

子大每服三十圓溫酒鹽湯下日進三

服皆食空時

如早食併服之無妨

至五日覺有力十

日精神爽健半月氣力稍盛二十日目
明一月夜思飲食冬月手足常暖久服
無毒令人身體輕健筋骨壯盛怡悅難
老更看體候加減如身熱加山梔子一
兩心氣不寧加麥門冬一兩少精神加
五味子一兩陽弱加續斷一兩常服齒
牢永無瘰癧婦人服之姿容光悅去一
切病治子宮久冷

鐵瓮先生神仙祕法瓊玉膏

陳晦叔服
此藥有驗

新羅人參

二十四兩春
一千下為末

生地黃

一和十六斤
九月採搗

雪白茯苓

四十九兩木
三千下為末

白沙蜜

十斤

右件人參茯苓為細末蜜用生絹濾過
地黃取自然汁搗時不得用鐵器取汁
盡去滓用藥一處拌和勻入銀石器或
好瓷器內封用如器物小分兩處物盛
用淨紙二三十重封閉入湯內以桑木
柴火煮六日如連夜火即三日夜取出
用臘紙數重包瓶口入井內去火毒一

伏時取出再入舊湯內煮一日出水氣
取出開封取三匙作三盞祭天地百神
焚香設拜至誠端心每晨朝以二匙溫
酒化服不飲者白湯化之此膏填精補
髓腸化爲筋萬神具足五臟盈溢髓實
血滿髮白變黑返老還童行如奔馬日
進數食或終日不食亦不飢關通強記
日誦萬言神識高邁夜無夢想人年二
十七歲以前服此一料可壽三百六十

歲四十五歲以前服者可壽三百四十
歲六十三歲以前服者可壽百七十六
十四歲以上服之可壽至百歲服之十
劑絕嗜慾修陰功成地仙矣一料分五
處可救五人癰疾分十處可救十人勞
瘵修合之時沐浴志誠勿輕示人

一粒金丹治中風癰瘕口眼喎斜涎潮語
澁渾身疼痛應一切風疾悉皆治愈

張真
甫舍

人傳得之
劉信叔

大川烏頭

炮去皮臍

大黑附子

炮裂去皮臍

新羅附子

炮裂已上各二兩

五苓脂

一兩

白殭蚕

一兩去絲炒

白蒺藜

一兩炒去刺

沒藥

半兩研

朱砂

半兩研

白礬

一兩枯研

麝香淨肉

半兩研

細香墨

半兩

金箔

二百片

右件前六味同為末後四味研勻同合

和令勻用井花水一大盞研墨盡為度

將汁搜和用杵臼內搗五百下和圓如

彈子大金箔爲衣審乾每服一粒用生薑一兩去皮擦取自然汁將藥圓於汁內磨化盡用無灰熱酒一大盞同浸化溫服更量性多少喫溫酒一二升投之以助藥力用衣被蓋覆汗出爲効痛勢重者日進二服不拘晷候

張天師留傳老換少壯輕身強記駐顏悅色髮白變黑開心中迷云聰明耳目神妙

六逸圓

賀州王承務方
李少卿若撰傳

石菖蒲

九節者能開心孔聰明耳目益智
不忘出音聲治耳聾高志不老

兔絲子

補不足益氣力堅筋骨主
口苦燥渴久服輕身延年

地骨皮

主五臟邪氣燥熱消渴裨益真氣
久服輕身堅筋骨不老耐寒暑

遠志

補不足除邪氣益精神注智聰明耳目去
皮膚中熱久服輕身不老好顏色益心

生乾地黄

填骨髓長肌肉去胃中宿食補
五臟通血脈益氣力利耳目

牛膝

能助人筋骨偏治腰疼益真氣
變白髮久服輕身不老耐寒暑

右件藥各用二兩先搥剉碎用酒浸之

春夏五日秋冬七日慢火焙乾搗羅為

末煉蜜為圓如梧桐子大每服空心溫

酒下三十圓至五十圓百病俱退服至
一百日老却少容服至一年髮如漆過
二年顏如童子三年骨髓堅實四年鬼
神自散精神爽清合藥并服時忌鷄犬
見所傳不得過十三家

湖州杜助教所傳葛
仙翁六神圓用藥六

味與此
方同

鐵甕申先生交感丹

俞居易侍郎傳

世人中年精耗神衰常言百事心灰蓋緣
心血少而火不能下降於腎氣憊而水不

能上升至心中焦隔絕榮衛不和所苦者
上則心多驚悸中則寒痞飲食減少下則
虛冷遺泄甚至於陰痿不興臟氣滑洩愚
醫徒知峻補下田非獨不能生水滋心而
建僞失真立見衰悴夭折之由當自此始
悲夫所處此方廣濟迷流然不可忽此藥
品志心服之半年漸屏去一切暖藥又不
可恃此而馳嗜慾然後力習秘固并流之
術其神効不可殫述質之天地切勿妄傳

居易之祖通奉遺訓云予年五十一歲遇
鐵甕申先生授此秘術酷志行持服食一
年大補平日所服暖藥一切屏盡而飲食
嗜好不減壯歲此藥力之功大矣今年八
十五享天然之壽瞑目無憾獨此藥傳之
理當普示群生同登道果藥後有湯與牙
藥可同用之

伏神

四兩

香附子

一斤去毛用新水
浸一夕炒令黃色

右爲末煉蜜圓

如彈子大每服侵晨一

圓以後湯嚼下

降氣湯

伏神 二兩

香附子 半斤炒
浸如前

甘草 一兩半
炙黃

右爲末每服二錢沸湯點下

牙藥

香附子 五兩

右以生薑三兩研和滓汁浸香附子三
夕炒焦黑存性爲末以青鹽二錢拌勻

措牙

洪氏集驗方卷第一

洪氏集驗方卷第二

癰疽

化毒排膿內補散

丞相兄刊是方於徽
州予屢以施人皆効

治一切癰疽瘡癤未成者速散已成者
速潰敗膿自出無用手擠惡肉自去不
犯刀伏服藥後疼痛頓減此其嘗試之
効也歛丞胡權初得方於都下異人時
有苦背瘍者七十餘頭諸藥遍試不効
因出是方示之衆醫環立相目而笑曰
是豈癰疽所期藥耶固謂之曰古又處

方自有意義觀其所用藥性平和縱未能已疾必不至壞病服之何害迺治藥與服以熱酒半升許下藥五六錢少頃痛減七分數服之後瘡大潰膿血流迸若有物自內托之服之經月瘡口遂合若未嘗有所苦者又有苦腹疾者其痛異常醫者莫曉時意此藥頗能止痛試以餌之當日下膿二三碗許痛亦隨止乃腸癰也又一老人忽宵間發腫根脚

甚大毒氣上攻如一瓠然斜插項右不能轉動服藥明日毒腫既散餘一小瘤如栗許大又明日帖然如故又一人發腦疑此方不服既殞於庸醫之手明年其子復苦此與父之狀不異因懲父之失縱酒飲藥遂至大醉竟日衮卧地上酒醒病已去矣又一婦人發乳癰腫疼痛不可堪忍自謂無復生理又二婦人股間發腫大如杯碗服此皆脫然如失

蒙濟署不可悉數姑叙大略以示未知
此方者大抵癰疽之作皆氣血凝滯風
毒壅結所致治之不早則外壞肌肉內
攻藏府去生遠矣詳味此方其所用者
皆發散風毒流行氣血排膿止痛生肌
長肉等藥五毒不試而坐收瘍醫十全
之功其可尚已今按本草於逐味下聊
疏藥性溫涼與所治療雖處方妙插不
可遽曉庶倉猝之際可以見其用藥太

意而服之不疑

人參

微溫無毒主補五藏除邪氣通血脈破堅積療心腹鼓病青脇逆滿今以

新羅者為上擇團結重實滋潤者洗淨去蘆薄切焙乾

當歸

大溫無毒主溫中止痛除客血內塞客氣虛冷補五藏生肌肉治一切風

一切勞破惡血養新血又外臺金匱等方皆謂大補不足決取立効之藥凡氣血昏亂者服之即定謂能使氣血歸所當歸制名之義宜出於此今取川中來者擇大片如馬尾狀滋潤甜辣芬香者溫水洗薄切焙乾

黃耆

微溫無毒主癰疽久敗瘡排膿止痛逐五藏間惡血補丈夫虛損五勞羸

瘦煩悶熱毒活血以綿上來者為勝狀如箭鏃長二三尺頭不叉者洗淨寸截槌破

以鹽湯剉透川蓋盛蓋湯餅上一
煨久焙燥隨衆藥入碾即成細末

芎藭

溫無毒主中風入腦頭痛寒痺筋牽
拘急除腦中冷痛面上游風治一切

風一切氣一切血一切勞損諸寒心腹堅痛中
惡卒急腫痛腰脚軟弱半身不遂壯筋骨調衆
脉破癥結治癰疽發背排膿消瘀養血長肉以
川中來者爲上今多用撫芎大塊者淨洗切焙

防風

溫無毒治心腹痛四肢拘急經脉虛羸
主骨節風男子一切勞劣補中益神通

制五藏開脉五勞七傷羸損盜汗心煩體重
能安神定志勻氣脉擇新香者淨洗切焙

厚朴

大溫無毒主中風寒熱血痺死肌溫中
下氣去留熱止煩滿厚腸胃去結水破

宿血消化水穀止五藏一切氣痛宜用梓州來
者肉厚而色紫槲之油出去麋皮切薑汁煮一

宿燼熟焙燥
切勿用杜朴

桔梗

微溫有小毒主青脇痛如刀刺腹滿腸鳴利五藏補血氣除寒熱破血消積止

心腹脹痛補五勞養氣除邪又養血排膿補內
漏療青中寒肺脉數咽燥不渴時時出濁唾腥
臭吐膿如粳米粥是肺癰治之用桔梗甘草各
二兩水三升煮取一升分再服朝暮吐膿血即
差今所在有之以有口味苦者為真無口味甘
者薺芫也主解藥毒恐於衆藥不利切勿誤用
洗淨去頭尾
薄切焙燥

白芷

溫無毒破宿血長新血治乳癰
療癰腸風痔瘻排膿止痛生肌

桂

大熱有小毒一日溫無毒為諸藥先聘主溫
中利肝肺氣去心腹寒熱補五勞七傷通九

竅利關節破瘰癧殺消瘀血續筋骨生肌肉筒
厚者宜入治藏及下部藥輕薄者宜入治頭目發
散藥今宜用卷薄者古法帶皮桂每兩止取二錢
半合用一兩者當買四兩候衆藥罷別碾

甘草

平無毒主藏府寒熱邪氣堅筋骨
長肌肉解毒溫中下氣倍力生用

右十味選藥貴精皆取淨曬焙極燥方
秤人參當歸黃耆各二兩餘各一兩除
桂外一處爲細末入桂令勻每服自三
錢加至五六錢熱酒調下日夜各數服
以多爲妙服至瘡口合更服爲佳所以
補箭損杜後患也不飲酒人濃煎木香
湯下然不若酒力之勝也或飲酒不多
能勉強間用酒調并以木香湯解酒功

効當不減於酒也

神授癰疽靈方

唐呂西華遇胡僧授此方沈存中良方備載其事

白麥飯石

顏色黃白類麥飯者曾作磨者尤佳炭火燒赤醋中浸之十遍止為末

白歛末

與石等分

鹿角

三二寸截之不用自脫者凡帶腦骨者即非自脫炭火燒之煙盡為度搗為末倍前二味

右並搗篩令細取多年米醋於鐺中煎
盡令魚眼沸即下前件末調如稀餚以
篋子塗傅腫上只當瘡頭留一指面地
勿令合以出熱氣如未膿當內消若已

作頭當撮小若日久瘡甚肌肉損爛筋
骨出露即於布上塗藥貼之瘡上乾即
再換但以蒿中不穴無不差瘡切忌手
觸宜戒之劉夢得傳信方亦載

治乳癰發背諸般瘡毒

丹陽僧傳

金銀花

一名忍寒草

右採葉研為滓傳瘡口

花五出而白微香蒂帶紅色野生延蔓葉

如薜荔而青 予見沈存中良方所載忍冬嫩苗治癰疽云江西醫僧鑒清善治背疽得其方用老

翁鬚後在金陵開醫王珙善治瘍其方用水楊藤觀之乃老翁鬚也又友人王子淵自言得神方活

數人方用大辟荔又杜醫治瘍常以二萬錢活一人方用千金藤又寧國尉王子駿傳一方用金銀花海州士人劉純臣傳一方用金釵股皆自神其方求其草視之蓋一物也存中云倉卒求不獲只川乾葉為散并甘草酒煮服然不及生者

靈寶膏治一切癰疽腦疽發背等疾

楊池州傳云是

方得之異人和王施此藥前後活數百人甚有神驗

大茨蓂十枚

隔二三年陳者盡去其皮留穰子約有半升許用砂盆研細如粉

新胡桃十枚

不油者湯去膜研細如粉

滴乳香十塊

如大指頭大乳鉢內研細如粉

右用白沙蜜十兩同煎藥於銀石器內

極慢火熬三時辰其稠如飴糖多合少
合准此每服二匙無灰酒半盞調下不
拘時候甚者不過兩三服其効如神

治癰疽發背初覺毒氣攻擊赤腫焮痛方

行在金
翰林傳

犀角

一兩

玄參

一兩

川升麻

一兩

黃耆

一兩

赤芍藥

一兩

麥門冬

一兩
去心

甘草

一兩

當歸

一兩

大黃

二兩
微炒

右為麋末每服三錢水一盞煎八分去滓不計時

發背灸法

郭廷圭
知縣傳

先用蠟線度左手中指頭至手掌下橫紋止其橫紋有三兩條當以長而分明者為正却將所度蠟線自尾閭骨取中逆量至脊槌骨如度之長以墨記之次以蠟線取中指中節量一寸中指中節

兩頭橫紋多當側取橫紋中長而分明者爲正却將所量蠟線橫於墨點處每邊各量一寸朱點記之此正灸穴處前以墨處乃用取中非灸穴也視背疽發於左則灸右發右則灸左甚則左右皆灸至三十壯而止婦人則用右手中指取度其灸法與男子同婦人妳癰凡發背發肋發腦發腿之類不論男女皆可灸郭云自得此法救人不可勝計有親

戚姓陳者得此疾其妻兒告急而陳苦
不之信迫不得已灸之才十壯其紅腫
處漸消於是欣然聽命再灸二十壯覺
熱毒之氣從腫處下如以手拓從尾閭
骨發散陳至今無恙又云莊婦忽背間
痒痛偃背以行問知其狀使以法灸隨
手即愈如是非一不能盡記

發背灸法

葉子昂
丞相傳

男左女右以手中指自上至手盡處第

一路爲度却用此去自尾閭骨盡處量
在腰間點定穴却用中指中間一節爲度自
穴分左右背左處發則灸左穴右亦然
止三十艾甚則左右穴皆灸婦人乳癰
亦用此法治之

治背疽糝藥

童縣尉傳

龍遊有患背疽已潰如碗面大視五臟
僅隔薄膜耳自謂必死有用大鯽魚一
枚剗去腸臟以羯羊糞實其中烘焙焦

黑極乾燥研爲細末乾摻之瘡口遂收
至今無恙

內消發背

杏仁 三七粒

巴豆 三七粒去
油令盡

硃砂 半錢

乳香 半錢

右將上件藥一處研細次用淮棗三七
箇去皮核研碎又用丁香三七粒班茅
三七箇烏梅三七箇去核三味同爲末
通前藥拌勻用餅藥麵十文生麵十文

以冷水搜裹藥在內慢火煨一日莫令
燒過候藥熟取出地上將盆蓋覆出火
氣然後去麪只取藥細研入少許蒸餅
末滴水爲圓如菉豆大老者七粒壯者
十粒旋入甘草少許用馬蘭酒吞下春
用馬蘭苗四兩生者秋後用馬蘭根白
芽四兩研細同酒半升研去滓吞下如
不飲酒蜜水亦可只可三服

治甲疽努肉裹甲膿血疼痛不差

出靈苑

膽礬 洗

右先剔去甲中肉傳藥瘡上縱有努肉才傳即乾落

治腫毒發背一切癰疽經驗方

鄱陽都路分因請大仙得

此方徐綱錄板印施便癰腫皆治

橫紋甘草

一兩炙乾碾為細末

右分為三服無灰熱酒調一服如人行一里再一服三服併喫鄱陽徐綱忽患右足赤腫五日不能履地醫治無効才

服此藥須臾之間即能移步再服全愈

治腫毒發背一切癰疽奪命膏趙教授撰之全州醫

屢有神驗已下三方次第用之

麻油四兩熬一二沸

石蟹一枚燒米醋淬干黑又燒碎為末

防風一兩切焙

蛤蚧一對煨存性

燈心灰一分

蜈蚣一條燒存性

金蝎毛箇燒存性

血竭一分別研

黃連半兩去蘆切焙

當歸半兩切焙

右件為末用文武火熬麻油滴水不

散次入衆藥一處急用柳枝不住手攪
候滴入水中成珠爲度候極冷貼瘡如
常法

又勝冰散

茵陳

焙半兩

防風

焙半兩

滑石

一兩別
細研

當歸

焙半兩

地龍

半兩
礮研

乳香

半兩
別研

螺青

一兩
研

馬牙硝

半兩
各取末研

右八味一處和勻用新汲水調塗腫處

不可令稀時時塗之勿使至乾
又應痛內托圓

赤芍藥

焙一兩

當歸

焙一兩

血竭

研一分

麝香

研一分

瓜蒌根

二兩火
煨存性

人參

半兩
焙

沉香

半兩
剉

茵陳

半兩
焙

全蠍

七枚
存性
煨

大黃

一分
焙

右件十味和勻爲末煉蜜圓如彈子大
每服一粒乳香湯化破服之或嚼喫亦

得不拘時

又聖柳散

蒼朮四兩

米泔水浸
十宿焙

連翹

焙一兩

甘草

一兩
炙

大黃

半兩
切

人參

半兩
切

赤茯苓

半兩
切

黃芩

二錢半
微存性

桔梗

半兩

白朮

一分

枳殼

一兩
炒去白

南木香

一兩
切

益智

一兩
皮切去

白芷

半兩
焙

苦參

一兩
切

右件爲細末如渴時加牙硝半兩別研入每服二大錢水一盞柳枝七寸同煎至八分去滓溫服不拘時

初發即用奪命膏貼如胃膈滿悶大腸祕結即用應痛內耗圓主之如四邊赤腫日增即用勝冰散主之如煩渴不已

疾勢轉增即用勝柳散此疾淺深治法次第也忌鷄肉濕麵疾愈半年方可食

治癰疽立効方

小兒暑月頭額生癰亦可用

生水蛭

一名馬蟻蟻取數枚實梳水中用訖縱之冬月蟄於積水邊或田塍水道邊掘土取之

右用薄帛一片剪圓如瘡大仍看瘡膿

頭有幾箇其帛對膿頭作小眼搭在瘡

上將水蛭着在帛眼處每一膿頭用一

水蛭要得先啞去膿其痛立止如無膿

頭即以手指按之覺最熱處是也或用

茶末以水調塗瘡上看先乾處即點記

如不能辨即着在中間如膿頭只一箇

而赤暈稍大即近中處加用水蛭如膿

血嘔盡痛定腫退可用膏藥貼之

紹興中汀州黃守

武

疽發肩背之間

醫藥不瘥用水蛭立効因就寢蓋被

稍煖睡覺衣被皆濕以燭視之乃瘡

口自出血也

水蛭嘔盡惡血不曾貼膏藥身煖好血隨路而出

急

令取池中藕將藕節處泥抹瘡口其
血立止按本草云水蛭攻癰腫毒腫
取十餘枚啗病處取皮皺肉白無不
差冬月中無蛭蛭地中掘取暖水中

養之令動先洗去人皮鹹以竹筒盛
蛭綴之須臾便咬血滿自脫更用飢
者

張仲欽運使傳云紹興壬
申歲公檄至汀親目其事

洪氏集驗方卷第二

--	--	--	--	--	--	--	--	--

洪氏集驗方卷第三

茯苓茸附圓平補真元益血養脾腎固精壯

氣暖胃思食

督府王翰林方 丞相兄舊苦脚氣旬服此藥十餘年不作

鹿茸

一兩先用草燒去毛切作片子用酥炙令香熟為度

茯苓

四兩酒浸一宿切作片子焙乾

兔絲子

四兩酒浸兩宿炒令半乾搗作餅子焙

生膝

二兩酒浸一宿切焙

熟乾地黄

二兩炒焙

真烏藥

一兩

川五味子

一兩

附子

一兩炮去炭臍

白朮

一兩

天麻 一兩

補骨脂 一兩炒

葫蘆巴 一兩炒

茴香 一兩炒

乾淡木瓜 一兩

沉香 一分

木香 一錢
麪煨

丁香 二錢不
見火

右件搗羅爲細末酒糊爲圓如梧桐子
大每服三五十圓空心臨臥米飲溫酒
鹽湯下

鹿茸世寶圓諸虛不足心脾氣弱腹脇脹
急腸鳴泄瀉腹疼手足厥逆頑痺中滿惡

心頭疼怯寒肢體酸痛飲食少思氣短乏
力敬馬悸自汗並能服之用藥如下督府王翰林方

鹿茸酥塗炙

附子炮去膽

白朮炒

陽起石燒赤

椒紅炒出汗

成煉鍾乳粉

菴蓉酒浸炙

人參去蘆

肉苁蓉麴罯炙

川當歸炒

牛膝去蘆酒浸一宿

白茯苓

沉香

巴戟去心各二兩

右件十三味依法修製並爲細末次入
鍾乳粉拌勻煉蜜爲圓如梧桐子大每
服四十粒鹽飯飲或鹽湯送下食前一
日三服

五解散治傷風感寒或內傷生冷頭目昏
痛身體壯熱胃腸不快乾嘔惡心怯風怕
寒體虛自汗

藿香葉

一兩
去土

人參

一兩

白朮

一兩

半夏

一兩湯盪
洗七遍

甘草

炒一兩

白茯苓

一兩

陳橘皮

一兩湯盪洗一次

厚朴

二兩去麋皮用生薑自然汁塗炙紫色為度

右件同搗為麁末每服五大錢水一盞
半生薑七片棗子二枚煎至七分去滓
溫服不拘時候

育腸圓治遠近一切赤白痢實腸胃進飲食

當歸

一兩

肉豆蔻仁

半兩粟米炒以黃為度

訶子皮

炮半兩

黃連

去鬚一分

烏梅肉

一分

櫻栗

半兩炒黃黑色

右爲細末蜜煉熟圓大如菉豆許每服

十五圓溫陳米飲食前

平江辛太丞傳
有加芎者尤妙

硫附鹽礬圓治經年久病腸風下血不止

虛弱之甚者一服見効

已下二方上官
彥成駐泊傳

附子

一兩炮去皮臍
別杵爲細末

綠礬

四兩川瓶子盛蓋之火煨食頃候冷取出入鹽
一合硫黃一兩同礬研過依前入瓶子內燒如

食頃候冷取出再
研令勻爲極細末

右件二味藥末同合一處令勻以粟米

粥爲圓如桐子大每日空心用生地黃

汁吞下溫酒米飲亦得每服三十圓

治五種腸風下血上厠糞前有血名外痔
糞後有血名內痔大腸不收名脫肛穀道
四面有努肉如妳名妳舉痔頭上有孔腸
出名漏並皆治之

黃牛角鯁

一枝
搥碎

蛇脫皮

一條
白者

猪牙皂角

七莖

穿山甲

一處七
十鱗

刺蝟

一兩
剉

右件五味入甕瓶子內以黃泥封固候

乾先以小火燒令煙出後用大火煅令
通赤爲度取出攤開候冷搗羅爲細末
患者先用胡桃一箇分作四分一分臨
臥時細研如糊溫酒下便睡先引出蟲
至五更時以溫酒調下藥末三錢至辰
時更進一服久年不過三服立効

比金散治腸風下血方及治痔漏又名立

効散

饒州周道
太丞傳

蝟皮 一箇

皂角刺 二兩

臙藤子

一箇去穢剉碎別碾爲末

猪牙皂角

一兩

白礬

半兩

除臙藤子外右四味入瓷瓶內鹽泥封固候乾先以小火燒令煙出方用大火煨令煙盡爲度取出攤冷杵羅細末入臙藤子末和勻每服一太錢溫酒調下空心食前服

治五種腸風痔疾

饒州王康孺翰林傳

凡下血皆謂腸風糞後有血名內痔糞

前名外痔大腸頭出謂之脫肛穀道四
邊有努肉謂之鼠奶痔頭上出血謂之
漏此方通治之

黃牛角腮 一箇

猪牙皂角 二兩

蛇皮 一條

穿山甲 二兩

大附子 一箇炮
去皮臍

當歸 半兩
炒

蒟葉 四兩

麝香 一錢

蝟皮 一箇

右件一處砂瓶內用炭火煨令通赤取

出於地上用盆合定四畔用土覆之去
火毒然後搗羅爲細末患者先用胡桃
肉半箇研爛同酒半盞調藥末二錢服
之便効

阿魏良薑圓治三脘氣弱中焦積寒脾不
磨飲食遲化喫物頻傷膏膈滿悶脇肋疔
刺嘔吐噦逆噫醋惡心腹脹瘍鳴心腹疼
痛噎塞膈氣翻胃吐食飲食減少悉能治

之

已下二方上
官駐泊傳

青皮 三兩

陳皮 二兩

良薑 二兩

紅豆 二兩

桂 去麋皮 一兩

縮砂 去皮 二兩

蓬茂 炮二兩

草菓子 去皮 二兩

乾薑 炮二兩

萊菔子 炒 二兩

木香 二兩

硃砂 半錢

阿魏 一分 并桐砂用 醋化去砂石研

右和麵煮糊為圓如菉豆大每服五十粒淡薑湯吞下不拘時候日進二服久

服大補益脾胃空膈令又能食去寒濕
強中溫暖如素來有沉寒積冷腹中時
作疼痛宜服之或無此證去硃砂常服
溫養中焦有益脾胃

麋茸圓治婦人風虛勞冷一切諸疾或風
寒邪氣留滯經絡氣血冷澁不能溫潤肌
膚或風寒客於腹內則脾胃冷弱不能化
消水穀或腸虛受冷或便時泄或子藏挾
寒月水不調乍多乍少或月前或月後或

淋瀝不斷或閉不通百節酸疼頭頂作痛
相應臍腹腰腿痛痺不仁悉能主治大補
益元臟絕忌羊血解藥力

麋茸

火燒去毛薄切
酥塗炙四兩

當歸

去蘆酒浸一
宿焙乾二兩

癭茸

火燒去毛薄切
酥塗炙二兩

鹿角膠

熬炒
二兩

大黑附子

炮去皮
臍二兩

沉香

二兩不見
火好者

肉苳蓉

酒洗薄切
焙乾三兩

牛膝

去蘆酒浸一
宿焙乾二兩

熟乾地黄

酒洗焙乾
秤三兩

赤石脂

一兩
煑者

破故紙

酒浸一宿炒二兩
一方有麝香二兩

陽起石

一兩半夜間用礞鐵罐子盛以酒二升煮一宿水洗焙乾乳鉢研如粉

右十二味同為細末用酒蜜各等分熬成稠膏子搜和成劑入木臼內杵三千餘杵圓如梧桐子大每服三十粒漸加四十粒至五十粒溫酒鹽湯吞下空心日午服之

法酒二十兩蜜二十兩慢火同熬成膏子圓

人參大溫中圓治三焦不順脾胃積冷心腹大痛嘔逆惡心兩脇刺痛膏膈滿悶腹脹腸鳴泄瀉頻併溫脾暖胃

黎州李麾翰林傳

人參

去蘆頭
一兩

白朮

剉
一兩

陳橘皮

去白
一兩

紫蘇子

揀淨
一兩

高良薑

剉
一兩

官桂

去麋皮
一兩

川乾薑

五錢
炮

右件七味爲細末煉蜜爲圓每一兩作
十圓每服一圓煎生薑湯嚙下不拘時
水陸二仙丹

取鷄頭去外皮取實連殼雜搗令碎曬
乾爲末復取糖櫻子去外刺并其中子

洗淨搗碎入甑中蒸令熟却用所蒸湯
淋三兩過取所淋糖櫻汁入銀銚慢火
熬成稀膏用以和鷄頭末圓如梧桐子
大每服鹽湯下五十圓久服固真元悅
澤顏色括蒼吳寅仲久服有奇功

此藥稍
開當以

車前子
末解之

治諸般惡痢腹中攪刺日夕頻併危惡不

瘥神應乳香圓

安息

一分酒浸三
日去滓研為膏

呵耳

一錢

乳香

一分酒少許醃開三日
再用火焙鎔令乾研爲末

沒藥

一分研爲末用安息香膏子和勻用生杏仁
不以多少燒令煙出上磨膏子一日乾爲度

右件四味研爲細末滴水爲圓如菉豆
大每服五圓七圓乳香湯下空心食前
日三服加至三五十圓不忌毒物其効
如神

治風毒上攻眼目澀痒疼不可忍者或上
下臉肌赤爛浮翳瘀肉侵睛神妙驅風散

出王氏
傳濟方

五倍子

一兩槌破
去塵土

蔓京子

一兩半
洗令淨

右二味同杵為末每服二錢水二盞銅
石器內煎及一盞澄滓熱淋洗留滓二
服再依前法煎淋洗大能明目去澁痒
治大人小兒一切風虛昏眩神志不爽心
氣不寧手足搐跳睡臥不穩虛風圓

麝

一錢

五靈脂

為末銀器內炒煙
盡為度秤一兩

白附子

真大者炮
烈半兩

天南星

大者炮去
皮臍一兩

烏蛇

只用頂後肉去皮酒
浸一宿乾秤一兩

蟾頭

一箇大者炭火燒煙
將盡取出不令成灰

赤脚蜈蚣

三條全者酒
浸一宿焙乾

右除麝外同為細末絕細再入麝同研
勻以醇酒作糊為圓桐子大每服一圓
不拘時候或二圓以人參湯麝香湯嚼
下或溫酒亦得治小兒慢驚極妙

壯筋骨治脚膝疼痛四斤圓

宣木瓜

去穢垢
焙乾

牛膝

去蘆頭寸
剉焙乾

茯苓

洗塊切
焙乾

天麻

細剉
已上各半斤

右件用無灰酒五升浸春浸五日夏浸

三日秋浸五日冬浸十日足取藥焙

乾加附子二兩虎骨一兩

虎骨細鎔附子炮去皮尖

同

爲細末用浸藥酒煮麵糊爲圓如梧桐子大每服五十圓溫酒或鹽湯下空心

食前服

虎骨須用酥炙令蘇

妙應圓治婦人血經不調月事湛濁加之

驚憂遂發痰瘧後汗出過多損耗氣血

常服滋煖子宮調血養氣

池州徐學諭傳

當歸

去蘆頭
二兩

延胡索

去土
一兩

澤蘭

取葉一
兩半

白芍藥

雪白者
一兩

肉桂

去麤皮一
兩不見火

牡丹皮

去骨
一兩

川芎

一兩

木香

半兩不
見火

石斛

去苗
一兩

川薑

一兩
炮

熟乾地黄

淨洗薄切焙
乾秤二兩

右件修製了焙乾搗羅為細末醋煮麵
糊和圓如梧桐子大每服二十粒用溫
酒或米飲吞下空心及晚飢服之

丁香草菓散治大人小兒脾虛發熱嘔潮
熱他藥不能治者服之如神 余真州傳

丁香

一錢半揀
新辣者

草菓

三箇麵裹煨
麵烈為度

麥門冬

半兩去
心湯洗

人參

二錢

茯苓

二錢半

半夏

二錢
薑製

甘草

二錢
炙

淡竹葉

數葉

右為麝末分作六服用水一盞半薑三
片棗一箇煎七分去滓不拘時服小兒
加陳皮二錢去穰

神仙透空圓治男子婦人偏正頭疼惡心
產後體虛傷風憎寒頭痛洗頭沐浴傷風
壯熱頭痛痰厥頭痛腎厥頭痛虛眩癱筋
緊急應一切頭痛

江州陳太丞傳

天麻

一兩洗

香白芷

一兩洗

半夏

一兩生用

天南星

一兩洗

乾薑

四錢生用

川芎

二兩洗

地龍

半兩鎚洗去土淨

川烏

一兩生用去皮尖

草烏

一兩生用去皮尖

細辛

半兩

甘草

二兩
生用

白附子

半兩

右為細末以藥末一兩入白麵一兩用
新汲水搜和為圓每一兩分作十圓於
新板上排定日內曬之如合須是伏中
合

沉香華澄茄湯治腰腿間寒濕作痛

饒州雅
醫傳

沉香

半兩

南木香

四錢

丁香

四錢

檀香

四錢

華澄茄

半兩

片子白薑黃

半兩

陳橘紅 三錢

青皮 三錢去白

粉大胃草 七錢

藿香 四錢去淨土

白藁薏仁 半兩

天台烏藥 半兩

人參 半兩

縮砂仁 三錢

右為細末每服一二錢入鹽點服

灸結胃傷寒不問陰陽二毒只微有氣者
皆可灸下火立効神功散

黃連 七寸為末

芭豆 七粒去皮新瓦上出油

二味拌勻令患人仰面臥先用三韓耳

和艾一炷如中指大更用三輪耳子先
著在患人臍中後安艾炷其上只一炷
覺臍腹間有聲即便汗出而愈

治風烏荊圓

川烏頭

一兩炮
去皮

荊芥穗

二兩

右醋麵糊爲圓如梧桐子大每服二十
圓酒或熟水下有疾食空時日三四服
無疾早晨一服少府郭監丞少癩風寒
搐頤頷寬鞞不收手承頷然後能食服

此六七服即差遂長服之已五十餘年
年七十餘強健鬚髮無白者此藥療腸
風下血尤妙累省人得効下血又服此
而差者一歲之內數人

烏金散治曾暑悶亂不省人事欲死及發
燥引飲無度咽中痰涎不下

不蛀皂角

一斤刮去皮猛火炙令成麤炭仍須存性不可使成白灰也秤三兩

甘草

一兩炙

右同為細末以新汲水或溫熟水調三

大錢服立差此藥神妙不可具述

良薑湯治陰寒積冷心腹大痛嘔逆惡心

手足厥冷心胃不快腰背疼痛

婺州李庵翰林傳

高良薑

一兩坐碎炒

官桂

一兩去皮

當歸

去薑頭用一兩剉炒

乾薑

一兩炮

人參

一兩去薑頭

吳茱萸

七錢半炒

白茯苓

一兩

附子

半兩炮

右為細末每服二大錢水一盞半入生

薑五片煎至七分去滓膈空服

治氣塊刺痛暮夜即作至不可忍多因氣
中傷冷所致久而不治婦人尤宜服之

已下
二方

信守孟郎
中无傳

鱉甲

去裙并膜
醋炙半兩

當歸

去尾
一兩

木香

半兩

青橘皮

去白
一分

枳實

半兩

人參

半兩

荆三稜

半兩

沒藥

研一分

血竭

研一分

檳榔

一分

半夏

二錢
生用

右爲細末醋煮稀糊圓如菉豆大不計
時白湯下十五粒遇大府通利且止若
氣發作大府不通即加至五十粒以通
爲度此病須是服此藥令氣塊消然不
可驟然多服須待積久消磨每日且只
一二服覺得氣消不痛却只一日一服
或三日二日一服仍旋服後面散子以
補氣

常服散子

人參

半兩

黃耆

半兩

當歸

半兩

白朮

一分

木香

一分

陳橘皮

去白
一分

甘草

炙
二分

青橘皮

去白
一分

沉香

一分

右爲細末每服三四錢七水一盞薑二片同煎取七八分不計時服遇氣痛時每服添粳實末一二豆許

右陳侍御宜人嘗因不喜悅中食柑

自後遂苦心腹痛久之腹中結塊遇
痛作時往往悶絕移時方蘇而常在
夜間是時侍御作辟廱博士京師醫
者皆不能治有齋生蜀人史堪載之
者醫聞一時乃處此二方服一兩月
間遂去根本後二十餘年復因憂悵
此疾似欲再作而已微痛即再合服
之數日而愈

治婦人產後胎衣不下

鄉人萬應之秘校傳

凡產有產後胎衣不合諸血奔入久而
血上衝心遂致不救者有產前失血過
多胎衣乾澁不下者庸醫不曉例以破
血藥治之不知血盡轉澁遂終不救舊
有產婦胎衣不下呻吟痛楚聲不可聞
忽有人教之用葶麻浸水兩大碗服之
即時嘔吐胎衣便下遂得更生

安腎圓治本氣怯弱筋骨無力或時疼
痛

信州李諒駐泊傳

熟乾地黄

洗淨焙乾一兩

牡丹皮

半兩

附子

炮去皮尖半兩

金釵石斛

半兩

破故紙

炒半兩

山藥

半兩

肉桂

半兩去皮秤

白蒺藜

炒去刺半兩

巴戟天

去心秤一兩

肉蓯蓉

酒浸一宿一兩切焙

白茯苓

半兩去皮秤

澤瀉

微炒半兩

革薢

半兩

白朮

半兩

右件為細末用煉蜜和為圓如梧桐子大每服三十圓至四十圓用溫酒或鹽

湯送下食前空心服

治傷折內外損神授散

予屢用之甚驗

川當歸

半兩洗淨別搗

鉛粉

半兩洛粉最上

鵬砂 二錢

右同研細每服二錢濃煎蘇枋汁調下
若損在腰以生先喫淡麵半碗然後服
藥在腰以下先服藥後喫麵仍不住呬
蘇枋汁更以糯米為粥入藥二錢拌和
攤在上或絹上封裹損處如骨碎則更

用竹木夾定外以紙或衣物護之沈存
中云長安石使君一日在闌闌中忽有
呼其姓第回顧不見明日過市復聞呼
聲曰我無求於人以爾有難特來救爾
石謝之欲下馬與語其人止之褫衣領
中出一書曰有難即用稠人中遂引去
石歸視乃此方也石到京師趨朝立馬
右掖門外爲他馬所趨折足墮地又爲
馬踏手臂折昇至家屢氣絕急合此藥

服且晷半夜痛止後手足皆平復

普救散治四時傷寒渾身發熱四肢疼痛

頭重眼疼不問陰陽二證並皆治之

永平龐知監施此藥

蒼朮

一斤米泔水浸三日切焙乾

乾葛

半斤切焙

甘草

四兩炙赤色切細

右爲鹿末每服二大錢水一中盞煎至

七分去滓熱服如要出汗加連根葱白

二寸同煎併兩服滓再煎一服不拘時

候仍用沙鉢不得犯銅鐵器

初發傷寒宜下此藥汗後勿服

星城

治喉口熱毒至甚咽喉膈內連心肺疼
痛飲水不下氣不能出死在須臾名曰萬

閉

饒州上乙卯年春連甲寅冬老幼皆患此疾只三四日便死
官醫傳吳江七都持多合解毒雄黃泥治之

巴豆七粒

去殼膜
研如泥

右以坏子一錢同研成膏子每用一字

許醋煎皂角汁調令稀稠得所將鵝毛

蘸藥掃於喉間良久咳唾出膿血或涎

數升然後用第二法其法白礬飛過白

僵蚕微切各半兩為細末每服半錢新

汲水調下

肉豆蔻湯治胃膈痞塞不快脾胃有傷尋虛傳

肉豆蔻炮

草果子去皮

石菖蒲

乾木瓜

良薑

乾薑

厚朴薑炙

甘草炙

各二兩

右等分爲細末每服一錢鹽湯點服

洪氏集驗方卷第三